

9. TI JEAN AVEC LANGAGE ZANIMAUX

In fois ti trouve ennan un garcon qui ti appelle Ti Jean. Son l'etat ti planter. Alors in jour quand i tine fini piocher et i tine jette son salete bitation lo in rodin pied cedre qui ti la meme dans bitation et i tine fini mette di feu dans ca la paille, y ouar in serpent sorti dans ca la paille qui ti pe bruler et ca serpent i dire avec Ti Jean: "Ti Jean, Ti Jean sauve mon la vie." La Ti Jean y demande avec ca serpent: "Qui maniere mon pour faire?" La ca serpent i dire ec Ti Jean: "Mette in di bois lo ca chicot, cotte mon ete, moi glisse lo la moi sorti."

La ca serpent ti descende. Quand i tine arrive a terre y dire avec Ti Jean: "Amene moi cotte mon papa". Ti Jean y repondre y dire i pas pour capable amene li cotte son papa a cause zotte a pique li. Ca serpent i dire li "Non personne pas pour pique ou." La zotte ti aller zotte tous les deux. En arrivant la moitie chemin serpent i dire avec Ti Jean: "L'heure ou arrive cotte mon papa, Papa ya va demande ou qui ou ouler pour la peine qui ou fine sauve mon la vie; ou a va dire li qui pour ou recompense, montrez ou langage tout zanimaux." Serpent i continier i dire: "Si papa pas ouler donne ou ca recompense, dire avec li qui ou pas ouler narien a part d'ca."

La quand zotte ti arrive pres avec la cour cotte bande serpent y rester, ca serpent i dire avec Ti Jean: "Espere moi la meme et cotte Ti Jean ti pe esperer i ti capable ouar bande serpent bien et l'heure Ti Jean ti voir la quantitee serpent qui sorti pour ouar ca p'tit serpent qui ti fecque arriver Ti Jean ti gagne peur et i ti monte lo in pied dibois la meme. La tit serpent ti raconter qui maniere y fine arriver et lequel quine sauve son la vie et i dire zotte qui ca garcon ine vine avec li.

La ca papa ca p'tit serpent ti dire alle appelle li. Ca p'tit serpent y crie Ti Jean et Ti Jean ti descendre ca pied di bois avec in la frayeur, y trembler et ca p'tit serpent i dire li pas besoin peur. Ti Jean y aller avec deux les coeurs. Quand i ti arrive la bas papa ca tit serpent i dire avec li: "Ti Jean merci beaucoup pour qui ou fine sauve la vie mon pitit et i dire avec Ti Jean qui y ouler pour la peine ine sauve tit serpent. Ti Jean y dire avec li qui i pas ouler plus qui faire li capable conne

langage tout zanimaux.

Ca gros serpent i dire avec Ti Jean qui i impossible pour dire li tout langage zanimaux. Ti Jean i repondre: "Si ou pas capable, merci beaucoup, mon pas ouler narien encore." Ca p'tit serpent ti la meme et comment i ti entendre son papa dire ca parole y commence pleurer. La Papa tit serpent i crie Ti Jean comment i ti voir son pitit pe pleurer.

I dire avec Ti Jean: "Bon moi montrez ou langage zanimaux mais si in jour ou raconte ca avec in di monde ca meme jour ou la mort." Ti Jean ti dire li qui i pas pour raconte personne et ca gros serpent i dire Ti Jean ouvert son la bouche. Ti Jean de suite i ouvert son la bouche et ca gros serpent y souffler dans la bouche Ti Jean. Comment i fini souffler dans la bouche Ti Jean, Ti Jean i comprend tout ca qui zanimaux i dire.

Ti Jean i dire gros serpent merci et i aller. Deux trois jours apres Ti Jean ti rode in fille et i ti marier. Un jour Ti Jean i dire ec son madame. "Ennou alle promener et ca le temps madame Ti Jean ti envoie-de-famille. Zotte ti rentrer dans chacaine in voiture trainer par cheval. Ca cheval qui ti amene voiture Madame Ti Jean ti in femelle et i ti pour gagne p'tit li aussi. Ca qui ti pe amene voiture Ti Jean ti in male. Ti Jean ti par derriere et son madame par devant. En arrivant dans in chemin cheval Ti Jean y tailler y passe par devant pour son madame.

Comment cheval qui ti pe amene Ti Jean ti fine passe par devant, i dire dans son langage ca cheval qui ti pe amene madame Ti Jean: "Ou paraisse, mon ti par derriere ou et monne capable passe par devant ou." La ca cheval ti repondre cheval Ti Jean en disant: "Ou besoin passe devant moi, ou pe traine juste ou bourgeois mais moi moi pe traine quatre."

Comment Ti Jean ti entende ca i ti comprend et i ti commence rier et tout di long chemin cheval ti continier dire meme parole et Ti Jean ti continier rier tout di long chemin. Son madame ti trouve li en colere a cause i ti voir Ti Jean pe rier et li y pas ti connait qui Ti Jean pe rier.

La femme Ti Jean i dire avec Ti Jean "Ennou retourne dans la cour." La zotte ti retourner. Quand zotte ti fini arrive dans zotte la cour Madame Ti Jean y demande

son mari: "Present oua va dire moi qui ou ti pe rier dans chemin." Ti Jean pas ti repondre li." Mais a force demande Ti Jean parole tout les temps Ti Jean to dore li: "Ou le connait qui mon ti pe rier, faire mon cercueil, apres moi va dire ou qui mon ti pe rier." Desuite son femme ti envoye appele charpentiers et faire cercueil Ti Jean et quand cercueil tine fini pare son femme ti dire li "La ou cercueil, a present oua dire moi qui ou ti pe rier." Ti Jean i dire avec son madame: "Espere enne tit moment, apres moi va raconte ou." Avant qui Ti Jean i raconte li i prend in di pain i mette tremper. Ti Jean ti ennan in vieux lichien. Ca lichien tout son les dents tine fini tomber, ti rester li juste in seyaire. Ti Jean i prend ca di pain i donne son vieux li chien. Ca lichien i senti ca di pain, y pleurer, y aller. Y sorti in gros coq et ca gros coq i mange ca di pain jusqu'a y fini. Vieux li chien i dire avec coq: "Ou ennan le coeur". Ca coq i dire "A cause". Li chien i dire coq dans son langage: "Mon bourgeois pe alle mort ca meme son dernier quette chose qui y donne moi et ou ou gagne le coeur pour manger." La ca coq y batte son les ailles, y chante in coup et i dire avec li chien: "Mon bourgeois i bete, guette combien poules y enna la qui mon commander." Si i arrive enne deux qui la guerre moi donne juste in coup d'la bex et tout y arreter. Li y ennan juste un femme et y laisse son femme domine li. Quand son femme ti demande li qui i ti pe rier, necque i ti a prend son rotin maurice i ti a donne li deux trois coups avec et femme ti a faire serment demande li ca question encore."

La Ti Jean ti rier, y dire grand merci. Y envoye son la main en l'air, y prens son rotin maurice i dire ecque son femme: "Vini moi dire ou qui mon ti pe rier." Ti Jean y commence donne li son commission avec ca rotin maurice. La femme i crier: y demande pardon et qui jamais i pour demande encore a cause i rier. La apres quand meme zotte ti alle promener ensemble et quand meme Ti Jean ti rier y pas fine jamais demande Ti Jean encore parceque i connait qui y pour gagner.